

## Kwa mahkana zliya tsasliti Zhaŋ Kwəma dza ghwəmməə gha sənataa dzəkən zliya na

Ma zliya nay, Zhaŋ ntsa ta səda Yesəw tsasliti na, kə məndi difa. Sa nzanay, aa yəməva lə kwa baka zliya ci. Kaa «Gayəsə» madigay tsa di na tərəŋw tsatsasliti na, ta mətsahanci bərci ta məni wəzə, lə ta ka'wə ka məlmə. Mba'a ta tsəhanaghwa səti kwa sləmə madigay, va tsahwəti ntsaa pəla laɗamti wəzə tsa kwa jipə mbəzli Yesəw, slən tsa ciy, Diyətərefə.

### *Səkwəpə*

<sup>1</sup> Yən yən ndə 'wa kwal kaa mbəzliy nəw Yesəw tsasli na zliya na kaa ntsee Gayəsə, madigara tsa dee katan katan tsa.

<sup>2</sup> A madigara Gayəsə, mbə cə'wə nzee va Hyala, a gha mbəə mətəhə dza kwa kwəma kwa kwəma ya mbə namaɓa kwəma gha. Ka cə'wə va Hyala, a gha mbəə nza kwəriŋ, njasa nza kwəma mbə nəfə gha va wəzə kwa kwəma Hyala. <sup>3</sup> A nihwəti ngwarməhimməə nəw Yesəw səəkə vəgha gha, mba'a ghəshi səəkəə gəzara, a gha kəsəvə kwəma katan na va, ka garəŋa ti, ka nəw lə nəfə kwətiŋ, kə ghəshi. Sa gəzəkəra ghəshi tsəghay, dalala vəshiree ta kwəma gha.

<sup>4</sup> Ma yən, war favə mee njasa nəw ndərazhee

kwəma katanj na kwa kwal Hyalay, nahwəti kwəma tiba ghwəla mba'a nəfə tsee vəshi ti nja savaw.

*Sləni Gayəsə gwəraa təbanati kaa Zhanj*

<sup>5</sup> A ntsee Gayəsə, ghay, e favə mbə tsəva nza gha lə kwal tsa katanj tsa mbə kəəti ngwarməhimməə nəw Yesəw. Ya ni ghwəy mbəzli mbə məlmə ghwəy, ya ka məlməə səəkəshiy dzəmbə ghwəy gwa'a, kə məndi. <sup>6</sup> Mbəzli kəətiti gha vay, ghəshi səəkə naa falja tikə, ka gəzə njasa dəhwəshi gha kaa mbəzliy nəw Yesəw. Va tsəgha na kiy Gayəsəy, ə cə'wəneə, a gha zhiniy kəətitishi njasa təbə na va Hyala, mbə dza ta wə vəshi va. <sup>7</sup> Ma kafə tsa kafəshi ghəshi vay, ta gəzanshi kwəma Yesəw \*Kəristəw kaa mbəzli kafəshi ghəshi, kala dī ghəshiy bə shiy va mbəzliy nəw ma Yesəw mbə dza va. <sup>8</sup> Ghənzə tsəgha kiy, ghwəmmə ghwəmmə mbəzliy nəw Yesəw na, aa təbə ghwəmməə kəəti gəla mbəzli tsəgha ni va. Ta mbə ghwəmməə nza jakə li shi mbə ghəra sləni gəzanshi kwəma katanj na va kaa mbəzli ghalaba.

<sup>9</sup> E niy tsaslanaghə zliya jəwə tsətsə kaa mbəzliy nəw Yesəw. Ma dza Diyətərefə, sa dī na məniiy ka ntsa dikə tsa mbə mbəzliy nəw Yesəw va na, kala dī ghəciy fa kwəma gəzəkəe dzəghwa sləmə ci. <sup>10</sup> Sa kee tsəhəray, ta cikəvəriŋwəy kwəma ci va jikir na mənii na dzee. Dzərvə ka na vaa slaslaa dzəkən ghəy. Nahwəti \*kwəma jikir na mənii na dibay, ka dī naa ka'wə ya ngwarməhimmə mbə nəw Yesəw sa ka ghəshiy

səəkə və dibaw. Ya ə dī nihwəti mbəzli ka'wəshi na, ka makə mbəzli va ghəciy nza va ka'wəshi, ka tihəshi səvəri mbə fəsəva tsa mbəzliy nəw Yesəw.

<sup>11</sup> A ntsee Gayəsə, ma pə ghaa mənuy, ka bəni nəw kwəma ntsaa məni kwəma jikir na gha ma, kwəma ntsaa məni na wəzə na kwəma pə ghaa bəni. Sa nzanay, ntsaa məni kwəma wəzə na na, ntsa Hyala na tsava ndə. Ma ntsaa məni war kwəma jikir nay, sənata Hyala tsava ndəw.

<sup>12</sup> Ma na Demetəriyəse kiy, ya tsamaba ndə gwa'a na, war mbə fal na. Ya kwəma katanj na va məni nay, war mbə ci kwəma ci wəzə na naa səvəri. Ya ghwəmmə na, mbə gəzə ghwəmmə: «Ntsa katanj tsa na» pə ghwəmmə. A gha sənay kiy, ka sla dzərvə ghwəmməw.

### *Səkwəva*

<sup>13</sup> Sənzənva kiy ntseyey, dañ na nihwəti shi dee gəzaña. Kala dee tsasliñashi, tsasli tsasli dzəti zliya. <sup>14</sup> Ma dī yay, kwa kwəma jəw na mba'ee tsəhəra vəgha gha də'wə ghən tsee, ma nza ghwəm sləkəhwə kwəma ghwəm kwa mətse kwa mətse.

<sup>15</sup> Nza Hyala ndaña zərkə mbə nzəy tsa gha.

Mbə səkwəña na madigahıña tikə. Nza gha səkwətəra madigahimmə kwətiñ kwətiñ tsa shi kwərakwə ki. Ava tıba kərayee, nza gha nza.

**Zliya Yəwən kwəma wəzə naa dzəkən  
Yesəw Kəristəw**

**Bana: Zliya Yəwən kwəma wəzə naa dzəkən Yesəw  
Kəristəw New Testament**

**Le Nouveau Testament en langue Bana du Cameroun**

copyright © 2005 Wycliffe Bible Translators, Inc.

Language: Bana

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 21 Feb 2024 from source  
files dated 29 Jan 2022

ae014872-94cd-54bc-869e-601bde2245b3